

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA KUMI NA MBILI

04 MEI, 2016



ORODHA YA SHUGHULI ZA LEO

MKUTANO WA TATU

KIKAO CHA KUMI NA MBILI – TAREHE 04 MEI, 2016

I. HATI ZA KUWASILISHA MEZANI:

WAZIRI WA KATIBA NA SHERIA:

Randama za Makadirio ya Mapato na Matumizi ya Wizara ya Katiba na Sheria kwa Mwaka Fedha 2016/2017.

WAZIRI WA ELIMU, SAYANSI, TEKNOLOJIA NA UFUNDI:

Taarifa ya Mwaka ya Shughuli za Chuo Kikuu Huria cha Tanzania kwa Mwaka 2013/2014 (*The Report of Activities of the Open University of Tanzania for the Year 2013/2014*).

WAZIRI WA FEDHA NA MIPANGO:

Taarifa ya Mwaka ya Utendaji wa Soko la Bima Nchini katika Kipindi cha Mwaka unaoaishia tarehe 31 Desemba, 2014 (*The Annual Insurance Market Performance Report for the Year ended 31st December, 2014*).

II. MASWALI:

OFISI YA RAIS (TAMISEMI):

94. MHESHIMIWA IGNAS ALOYCE MALOCHA (KWELA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Sumbawanga ina Wilaya mbili ambazo ni Sumbawanga Mjini na Sumbawanga Vijijini:-

Je, kwa nini ina Mkuu wa Wilaya mmoja.

WIZARA YA UJENZI, UCHUKUZI NA MAWASILIANO:

95. MHESHIMIWA HUSSEIN MOHAMMED BASHE (NZEGA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa Kampeni za Uchaguzi Jimbo la Nzega Mjini tarehe 14/10/2015 Mheshimiwa Rais aliahidi kuwa majengo yanayotumiwa na Mkandarasi wa barabara ya Nzega – Tabora na majengo ya TANROADS yatakabidhiwa kwa Halmashauri ya Mji wa Nzega ili yaweze kutumika kwa ajili ya Chuo cha VETA:-

(a) Je, Serikali imefikia hatua gani kutekeleza ahadi hiyo ili majengo yakabidhiwe katika Halmashauri ya Nzega;

(b) Je, Serikali ipo tayari kuwaambia Wananchi wa Nzega lini chuo hicho kitaanzishwa.

96. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Ujenzi, Uchukuzi na Mawasiliano:- Mwaka 2012 Serikali kwa kushirikiana na Kampuni ya China “*Railway Bureau 15 Group Corporation*” waliingia mkataba wa miaka miwili wa ujenzi wa daraja la Kilombero na barabara zake za maingilio kwa gharama ya Tshs. 53.2 bilioni lakini mpaka sasa ujenzi huo bado haujakamilika:-

(a) Je, ni kiasi gani cha fedha kimetengwa na kutolewa na Serikali kwa ajili ya ujenzi wa daraja hilo tangu mkataba huo uanze;

(b) Je, lini daraja hilo litakamilika na kuanza kutumika.

WIZARA YA MAJI NA UMWAGILIAJI:

97. MHESHIMIWA JOYCE JOHN MUKYA (VITI MAALUM):

Atamuuliza Mheshimiwa Waziri wa Maji na Umwagiliaji:-

Je, Serikali ina mpango gani wa kutatua tatizo la maji katika Mkoa wa Arusha.

WIZARA YA KATIBA NA SHERIA:

98. MHESHIMIWA ASHA ABDALLAH JUMA (VITI MAALUM):

Atamuuliza Mheshimiwa Waziri wa Katiba na Sheria:- Majengo mengi ya Mahakama za Mwanzo yamechakaa sana:-

- (a) Je, Serikali ina mpango gani wa kuyafanyia ukarabati au kuyajenga upya;
- (b) Je, Serikali haioni kama Mahakama ya Mnazi Mmoja – Dar es Salaam imeelemewa na kesi nyingi hivyo iangalie namna ya kupunguza kesi.

99. MHESHIMIWA MOHAMED OMARY MCHENGERWA (RUFJI):

Atamuuliza Mheshimiwa Waziri wa Katiba na Sheria:-

- (a) Je, ni utaratibu upi uliotumika na Serikali kuzuia malipo ya 80% kwa mwezi kwa Majaji Wastaafu ambayo ni haki yao ya msingi na malipo ya mafao yao unatambulika kwa mujibu wa Sheria ya Majaji;
- (b) Je, ni utaratibu upi unaotumika sasa kuzuia malipo hayo kwa baadhi ya Majaji.

**WIZARA YA AFYA, MAENDELEO YA JAMII,
JINSIA, WAZEE NA WATOTO:**

**100. MHESHIMIWA MGENI JADI KADIKA
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Ugonjwa wa Mayoma ni moja kati ya matatizo makubwa yanayoathiri akina mama kuzuia uzazi na kusababisha kansa ya kizazi pamoja na kupoteza maisha:-

Je, ni kwa kiasi gani Serikali imefanikiwa katika kuwasaidia akina mama wanaoteseka na matatizo hayo.

**101. MHESHIMIWA MUNIRA MUSTAFA KHATIB
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwepo na malalamiko mengi ya Wananchi kutopata huduma nzuri katika Hospitali za Umma, Vituo vya Afya pamoja na Zahanati:-

Je, Serikali ina utaratibu gani wa kuwasimamia Madaktari na Wahudumu wa Afya ili kuweza kuwapatia Wananchi huduma bora na kwa wakati.

WIZARA YA ELIMU, SAYANSI, TEKNOLOJIA NA UFUNDI:

**102. MHESHIMIWA SUSAN ANSELM LYIMO
(VITI MAALUM):**

Atamuuliza Mheshimiwa Waziri wa Elimu, Sayansi, Teknolojia na Ufundi:- Mwaka 2015 Haki Elimu walitoa tathmini ya utafiti wa Elimu kwa kipindi cha miaka 10 ya Awamu ya Nne na kugundua ongezeko kubwa la udahili kwa ngazi zote na kuporomoka kwa ubora wa Elimu:-

- (a) Je, ni kwa kiasi gani utafiti huo umeakisi uhalisia wa hali ya Elimu hususan ile ya Sekondari;
- (b) Je, Serikali ya Awamu ya Tano ina mikakati gani ya kuinua ubora wa Elimu hapa nchini.

WIZARA YA ARDHI, NYUMBA NA MAENDELEO YA MAKAZI:

**103. MHESHIMIWA DKT. DALALY PETER KAFUMU
(IGUNGA):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kifungu namba 97 (1) (b) cha Sheria ya Madini ya Mwaka 2010 kinamtaka mwekezaji kabla

hajaanza shughuli ya kujenga mgodi ili kuzalisha madini ni lazima ahakikishe kwamba anawasilisha na kutekeleza mpango wa fidia, ujenzi wa makazi mapya na kuwahamishia wananchi waliopisha ujenzi huo kwenye makazi mapya yaani “*compensation, relocation and resettlement plan*” kulingana na matakwa ya Sheria ya Ardhi:-

Je, ni lini Serikali itarekebisha Sheria ya Ardhi ili iendane na matakwa ya Sheria ya Madini ya Mwaka 2010.

WIZARA YA NISHATI NA MADINI:

104. MHESHIMIWA JOHN WEGESA HECHE (TARIME VIJINI):

Atamuuliza Mheshimiwa Waziri wa Nishati na Madini:- Mgodi wa North Mara (*Acacia Gold Mine*) umeanza uchimbaji wa ardhini (underground) sasa yapata mwaka mzima bila kuweka wazi kama kuna mabadiliko ya kimkataba na kitendo hiki ni hatari kwa usalama wa kijiografia kwa wakazi wanaozunguka mgodi huo:-

Je, kwa nini Serikali isizuie zoezi hili mpaka mikataba iridhiwe na Serikali za Kijiji na kuanza upya bila kuwepo makandokando.

III. HOJA ZA SERIKALI:

WAZIRI WA KILIMO, MIFUGO NA UVUVI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Kilimo, Mifugo na Uvuvi kwa Mwaka wa Fedha 2016/2017.

(Majadiliano yanaendelea)



DODOMA
04 MEI, 2016

DKT. T. D. KASHILILAH
KATIBU WA BUNGE